

†
Parodia Næniis Hollandi opposita.

Dies iræ, dies illa,
PHILIPPO malè tranquilla,
Illum solvet in favilla,

Quantus tremor est futurus,
Cum Hollandus est venturus,
Inquirentes aggressurus!

Tuba mirum spargens sonum
Cum potentia mucronum
Hispanorum vertet Thronum.

Potens Hollandi Bellona
Dicet: date cuncta bona
Una cum vestra Corona.

Miles lectus adducetur,
ANGLUS cum quo cunjungetur,
Ut Hispanus perdometur.

Hinc Hollandus cum sedebit,
Fideles multum augebit,
De Papatu nil manebit.

Quid sum miser tum dicturus;
Quem Patronum rogaturus,
Cum vix Gallus sit securus?

Leo magnæ potestatis!
Hispanum trivisti satis,
Si cedendum, cedo. Fatis,

Post

Post hac fidem colam pie,

Valedicam falsæ viæ,

Ne me perdas iræ die.

Pro Hispano multa passus,

Ut hic staret, etiam lassus,

Tantus labor ne sit cassus.

Magne Leo Batavorum,

Amor, timor populorum,

Parce terris Hispanorum!

Dum Gallum mari vicisti,

Innocentes protexisti,

Mihi quoque spem dedisti.

Preces meæ non sunt dignæ,

Sed ô Leo fac benigne,

Ne sævo comburam igne!

Inter tuos locum præsta.

A Romanis me sequestra,

Semper tua tænam gesta.

Confutatis Papæ brutis,

Veritati restituis,

Redde mihi spem salutis.

Oro supplex & acclinis,

Anticristus fiat cinis,

Ut sit lachrymarum finis.

Wern